

تحفة

حبيبتي تحفة من النوع الفريد
ولا جيت امدحها اخاف اذمها
لأن المديح بها ينقص ما يزيد
و لأنها خيال و طائش مامها
متمردة و بعقل هارون الرشيد
و بالزين ما عذرا توقف يمها
لوقستها مثلا على الجيل الجديد
تخط ((حلیمه بولند)) بكمها
من غيها السادات سواد العبيد
تحر و تبرك عند ركبة عمها
ومن غيها لامن تثنت كل حيد
وده يصير انسان لأجل يلماها
ومن غيها حتى الدهن عود العتيد
يسيل في يدها عشان يشمها
من غيها لامن خذت نفس جديد
تهاوشت الانفاس على قمها
لبيها ام الفكر وام القصيد
لبيها من ضحكها الى غمها
اللي بقوله جعلها الحظ السعيد
والله يخليها لأبوها و وامها

سعد علوش

الدمع

لا تهل الدموع الله يجازي ظروفك
لعنبو الدمع فعيونك يزيدك حلا
لك من العمر كله لا تمادى بخوفك
و لك خوفك يقول إنته و غيرك فلا
شوف ذبحي حلال إن كان شَبّه سيوفك
ويل منهو مثل قلبي هوى و إبتلا
ما تعمّدت أحبك قبل أعرفك و أشوفك
قبل أعيشك غرام و قبل أموتك غلا
ما طرالي أغامر فيك عمر يحوفك
إنت يا من على عرش الخفوق اعتلا
يا وصوفك و يا عيني عليها وصوفك
تاج راس العذارى و سيد كل الملا
ليت بعض الغلا اللي في حشايا يلوفك
أشهد إنني حظيظ و كل هم انجلا
هاك أيام عمري فرصة لا تطوفك
لا يفوتك زمانك حظ منهو سلا
لا تهزك ظروفك و لا تصفق كفوفك
يلعن الوقت كأنه ما عطاك وحلا

عليه مساعد